

欽定盛京通志

欽定盛京通志卷之一百二十三

國朝藝文九

詩四

七言律一

十言類

八
五
益
生
氣
壯
學
之
一
百
二
十
三

欽定盛京通志卷之一百二十三

高士奇

國朝藝文九

(詩)四

七言律

奉

命祭告北鎮恭紀

康熙癸未

陳廷敬

使星十道出王城獨奉函書到

上京大漠北來沙磧盡神山東望海雲生鶯花舊

日朝

陵路楊柳春光出塞情曾是

翠華遊歷處臨軒故遣侍臣行

遼河

康熙壬戌

孫在豐

句驪一派此朝宗源繞塗山百谷中地向岐豐
成帶礪水分瀝澗作西東金黿浪拍連滄海鐵
鳳雲高舞大風自有神鯤歸

渭川應是載非熊

恭和

御製過呂翁山詩

康熙戊寅

高士奇

風霆迅掃

六師移高壘星羅指顧宜此地孤軍銜白璧當年合
隊捲朱旗層沙直眺三關迥列石廻看八陣奇
正是普天消戰伐

文孫親歷頌開基

恭和

御製駐蹕大凌河

熙康戊寅

高士奇

雲梢羽蓋夜停

鑿古渡春冰望裏看歲月已休新戰鼓山川猶記舊

征鞍天高漏轉千屯肅野曠星連萬幕寒

橫汾真不羨微臣珥筆和應難

乾隆八年

聖駕東巡

盛京恭謁

祖陵大禮慶成詩

謹序

乾隆癸亥

陳世倌

洪惟我

皇上御極之八年庶績咸熙三辰時撫當累治重熙
之會溯經營締造之初

志體隆和本合萬國以抒忱孝首尊

親虔一心以昭格況幽岐開基業之始典倍切於追崇

而

園陵藏弓劍之區禮尤嚴乎禋祀於是以虞舜之大孝

符周武之配京序值清秋時惟七月虔諏吉日

恭謁

祖陵奉侍

慈幃夙駕

鸞輅於時百靈擁衛庶官景從縣寓騰聲四野歌呼

齊起川原生色萬郊禾黍俱豐出古北之雄關
詣瀋遼之重地千重嶺岫遙瞻

王氣之綢繆萬樹松楸羣仰

神區之蔥鬱

闕宮祗祓典禮燦陳

帳殿齋居質明將事

孝惟一本孚愛懋於僣聞愾見之餘誠徹九原通神

明于陟降上下之際

皇上肅然止敬穆乎無言緬

祖宗創造維艱地闢天開允垂卜世卜年之久念子孫
繼承不易膺符受籙敢忘克勤克儉之模禮徐
遍於

三陵忱每將夫一敬告成大祀乃燕明廷助祭百工均
頌酒脯輸誠六服咸與凡筵大官之水陸畢陳
飲御之公卿既醉爾乃

袞垂藻火面南離以

富陽廷肅鸞鸞共北辰之居所黑齒趨踰於王會雕

題拜舞於

天朝德教遐宣奮揚斯舉火茶日月黃麾動而七校
齊開龍虎鳥蛇畫角鳴而入陣咸合左射右射
並宣

天子之威大綏小綏仍戴

聖人之德而且

推恩無外錫類多方自王公以逮軍民槩沾膏雨由
京邑以連荒徼普煦陽和旣時邁而伸殷薦之
誠乃

迴鑾而理垂裳之治此皆

皇上德孚蒼昊孝通神明乃與

園丘祀

天

方澤祀

地之禮並隆千古也

臣

忝掌絲綸徒塵政府謬司教習

無裨吉人弗獲隨從

乘輿式觀典禮時逾三月未聆訓行於

天言身領百寮莫效肅雍於相祀敬成七律聊抒戀
主之愚忱恭賦十章用志饗

親之達孝云爾

熙朝區夏肇東瀛

天作高山啓

大清

三后神靈時陟降

一人統御際承平

祖宗文武垂先烈

原廟衣冠想舊京
報本不忘親享祀
旋看奏假賚思成

○班拜手送

鑾輿

帝侍

慈闈問省餘神列陳隨勾輦後時當零露屆秋初閭闔
共慶寧居樂稼穡羣占大有書更喜太平真氣
象出關民物似華胥

王氣蒼茫屬瀋遼

陪都東去路迢遙渾河曲折還邊極鐵嶺崢嶸接
斗杓龍虎萬年長拱抱精靈五夜每趨朝

橋山弓劍歸藏地時有紅雲上九霄

祠官典禮疊相承

列聖居歆儼式憑優見愜聞通一氣水源木本溯

三陵案盛潔處齋心達膺腴焚餘香靄升

聖祖昔年殷薦後又看繩

武肅嘗蒸

履武姜嫄推

聖母篤生

始祖事神奇燕天

高帝初光宅纘緒

文皇實肇基

王業艱難垂世德

皇心乾惕協靈祇

閔宮監薦抒誠格有道

曾孫對越時

燕喜一堂羣受祉

天廚稠疊

湛恩宣漢高沛邑歌風日建武南陽置酒年長白嵐

光遙對席松花江色靄浮筵

君臣宛似家人會既醉歡忻

黼座前

殿名崇政肅朝紳稽拜信桓及遠人鶚立鸕翔齊
舞蹈黃支烏弋並尊親八荒在闔聯中外六合
爲家篤

主臣應遣畫師閤立本圖成王會獻

丹宸

垂容典禮敷文德震煥川原耀武功陣合鸕鵝
緣大閱軍分茶火爲臨戎網留一面湯仁在禽